



Kviteseid sauavlslag, v/Marit Wright
Tveitegrendvegen 34 A
3850 KVITSEID

Saksbehandlar, innvalstelefon
Odd Frydenlund Steen, 35 58 61 54

Forlenging av skadefellingsløyve på ei gaupe frå laurdag 25. juli 2020 til og med fredag 31. juli 2020 i delar av kommunane Kviteseid og Tokke

Fylkesmannen i Vestfold og Telemark gjer vedtak om skadefelling av ei (1) gaupe innfor eit nærare avgrensa område i kommunane Kviteseid og Tokke frå laurdag 25. juli 2020 til fredag 31. juli 2020. Vedtaket er gjort med heimel i naturmangfoldloven § 18 fyrste ledd b) og § 77, jf. rovviltforskrifta § 9. Løyvet skal forvaltast av Kviteseid sauavlslag i samråd med det interkommunale fellingslaget for rovvilt i Vest-Telemark. Vedtaket kan klagast på innan tre veker.

Vi viser til søknad datert 17. juli 2020 og vårt løyve til skadefelling av ei (1) gaupe gjeve same dato. Løyvet gjaldt til torsdag 23. juli 2020. Det vert ikkje felt gaupe i dette tidsrommet. Vidare viser vi til telefonsamtale med Olav Brauti og sms frå Marit Wright om moglegheitene for forlenging av løyvet laurdag 25. juli. Det blei gjeve forlenging av løyvet med virkning frå same dato, gjeldande til fredag 31. juli kl. 12:00.

Bakgrunn

SNO har per 24. juli 2020 dokumentert at gaupe har drepe 4 av 7 sauer funne døde i beiteområdet på Flekstveitheia som ligger både i Kviteseid og Tokke kommunar. Tapa har såleis auka sidan Fylkesmannen ga løyve ved vedtak datert 17. juli 2020.

Lovgrunnlaget

Her viser vi til vårt vedtaksbrev datert 17. juli 2020.

Kunnskapsgrunnlaget

Her viser vi til vårt vedtaksbrev datert 17. juli 2020.

Fylkesmannen sin vurdering

Det føreligg nye dokumentasjonar på gaupeskaade i Flekstveitheia beiteområde i Kviteseid og Tokke kommunar i Telemark. SNO har stadfesta 4 lam tekne av gaupe, medan det er funnen ytterlegare 3



daude lam. Dødsårsaka for dei tre sistnemnde er ikkje stadfesta. Løyve gjeve i tida 17.07. – 23.07. førte ikkje til felling av skadegjerar. Kviteseid sauavslag søker difor om forlenging av løyvet.

Vi viser til grunngjevinga for løyve gjeve i vårt vedtaksbrev datert 17. juli 2020, mellom anna at det er 450 sauer og lam i skadeområdet. Det går og andre besetningar i nærleiken til skadeområdet. Skadepotensialet vert difor vurderast som stort.

Med bakgrunn i ei totalvurdering av situasjonen, finn Fylkesmannen det rett å gje ei forlenga skadefellingsløyve. Det føreligg ikkje noko anna tilfredsstillande løysning på noverande tidspunkt enn å innvilge eit fellingsløyve. Skadehistorikk og skadepotensiale for sau er viktige faktorar i denne vurderinga. Bestandssituasjon for gaupe og geografisk differensiering nedfelt i forvaltningsplan for regionen er andre moment som vi har lagt vekt på. Eit uttak av ei gaupe vurderast ikkje å være til skade for bestandens overleving.

Vedtak

Ut frå vurderingane ovanfor gjev Fylkesmannen skadefellingsløyve for ei (1) gaupe innanfor eit nærare avgrensa område i kommunane Kviteseid og Tokke. Løyvet gjelder frå laurdag 25. juli 2020 til og med fredag 31. juli 2020 kl. 12:00. Fellingsområdet er avgrensa av fylgjande vegsystem: Fylkesveg 3400 i aust – E134 i nord – fylkesveg 3402 i vest. Vedtaket er gjort med heimel i naturmangfaldloven § 18 første ledd b) og § 77, jf. rovviltforskrifta § 9. Vilkår som går fram av vedtaksbrev datert 17. juli 2020 vert vidareførde. Ein ber om at desse vilkåra vert lese nøye. Samstundes skal det opprettast samarbeid med det interkommunale fellingslaget, leia av Aslak Momrak-Haugan i Fyresdal kommune.

Klagerett

Partane i saka og andre med klagerett etter forvaltningslova, kan klage over avgjerda innan tre veker etter at avgjerda er motteken. Eventuell klage bør grunngjevast og rettast til Miljødirektoratet. Klagen skal sendast til Fylkesmannen, som anten kan ta klagen heilt eller delvis til følge, eller sende han til Miljødirektoratet for endeleg avgjerd.

Med helsing

Grethe Helgås (e.f.)
fung. direktør i Miljøavdelinga

Odd Frydenlund Steen
seniorrådgjevar

Dokumentet er elektronisk godkjent

Kopi til (e-post):

Kviteseid kommune
Tokke kommune
Fylkesmannen i Agder
Fylkesmannen i Oslo og Viken
Mattilsynet
Statens naturoppsyn, v/Espen Marker
Fylkesmannen i Oslo og Viken
Sørøst Politidistrikt
Fylkesmannen i Agder



Kviteseid kommune

Mattilsynet

Interkommunalt fellongslag for rowvilt,
v/Aslak Momrak-Haugan

Tokke kommune